

## OKVIRNI SPORAZUM Isporuka građevinskog materijala

Broj: 01-11-4-392-160-1/24  
Sarajevo, 08.10.2024. godine

Na osnovu člana 32. stav (5), člana 69. stav (1). tačka a), člana 70. stav (1). i člana 72. stav (3), tačka (c) Zakona o javnim nabavkama („Službeni glasnik BiH” broj: 39/14, 59/22 i 50/24), a na Preporuku Komisije za javnu nabavku imenovane Rješenjem broj: 04-32-4-1099/24 od 18.07.2024.godine, u postupku mini tenderisnja za nabavku roba – građevinski materijal za izgradnju i obnovu stambenih objekata povratnika, federalni ministar **d o n o s i**:

### O D L U K U O IZMJENI ODLUKE O IZBORU NAJPOVOLJNIJEG PONUĐAČA

#### Član 1.

Prihvata se Preporuka Komisije za javnu nabavku, broj: 01-11-4-392-159-1/24 od 08.10.2024.godine, da se u cilju odabira najpovoljnijeg ponuđača u postupku mini tenderisnja za nabavku roba – građevinski materijal za izgradnju i obnovu stambenih objekata povratnika u Gradovima: Zvornik i Bijeljina, Ugovor za javnu nabavku dodijeli drugorangiranom ponuđaču „Hunes“ d.o.o. Žepče, sa sjedištem u Žepču, ul. Golubinja bb, 72233 Žepče, kao prihvatljivom i najbolje ocijenjenom drugorangiranom Ponudom broj: 151-9/24 od 26.09.2024. godine, za ponuđenu cijenu od 314.546,00 KM (sa PDV-om).

#### Član 2.

Prijedlog Ugovora o nabavci dostavit će se izabranom drugorangiranom ponuđaču „Hunes“ d.o.o. Žepče, u skladu sa članom 98. stav (2) Zakona o javnim nabavkama („Službeni glasnik BiH” broj: 39/14, 59/22 i 50/24), uz obavezno upućivanje obavjesti o zaključenom ugovoru svim učesnicima u postupku nabavke.

#### Član 3.

Ova Odluka objavit će se na web-stranici Ugovornog organa (www.fmroi.gov.ba) istovremeno s upućivanjem obavještenja ponuđačima o rezultatima postupka, u skladu sa članom 70. stav 6. Zakona o javnim nabavkama.

#### Član 4.

Ova odluka stupa na snagu danom donošenja.

### O b r a z l o ž e n j e

Postupak mini tenderisnja za nabavku roba – građevinski materijal za izgradnju i obnovu stambenih objekata povratnika u Općinama/Gradovima kako slijedi: Zvornik (12 sta. jed.), Bijeljina (10 sta. jed.), (ukupno za 22 stambena objekta), pokrenut je Pozivom za dostavljanje ponuda broj: 01-11-4-392-141/24 od 23.09.2024. godine.

Procijenjena vrijednost javne nabavke je 283.000,00 KM, bez PDV-a.

Kriterij za dodjelu ugovora je "najniža cijena".

Komisija za javnu nabavku dostavila je Zapisnik o pregledu i ocjeni ponuda broj: 01-11-4-392-158/24 od 30.09.2024.godine, odgovornoj osobi Ugovornog organa, u postupku mini tenderisnja za nabavku roba – građevinski materijal za izgradnju i obnovu stambenih objekata povratnika u Gradovima: Zvornik i Bijeljina.

U Zapisniku o pregledu i ocjeni ponuda utvrđeno je da je Komisija u skladu sa Zakonom, blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik, u kojem je utvrđeno slijedeće:

- U tabeli br. 1, u skladu sa provedenim postupkom iz člana 1. ove Odluke, svoje ponude dostavili su slijedeći ponuđači:

R.br ponude	Naziv ponuđača	Datum i vrijeme zaprimanja ponuda	Ukupna cijena ponude sa popustom na javnom otvaranju u KM (bez PDV-a)
1.	„Radius“ d.o.o. Gračanica	27.09.2024.god. u 08:02 h	250.643,49 KM
2.	„Hunes“ d.o.o. Žepče	27.09.2024.god. u 08:50 h	268.843,15 KM
3.	„PGM Gradnja“ d.o.o. Kalesija	27.09.2024.god. u 09:15 h	275.378,88 KM
4.	„Škrebo“ d.o.o. Doboj Istok	27.09.2024.god. u 09:30 h	271.542,97 KM

Konstatovano je:

- da je ukupno dostavljeno četiri (3) ponude,
- da je blagovremeno zaprimljeno četiri (3) ponude,
- da nije bilo neblagovremeno zaprimljenih ponuda,
- da su dostavljene ponude u postupku nabavke ispunjavale formalno - pravne uslove u skladu sa Zakonom o javnim nabavkama i odredbama tenderske dokumentacije Ugovornog organa.

U procesu tehničke evaluacije ponuda, na osnovu uslova i zahtjeva iz Poziva, a vezanih za oblik, sadržaj i potpunost ponuda, ustanovljeno je da sve ponude ispunjavaju tehničke uslove date u tenderskoj dokumentaciji.

- U tabeli br. 2 dat je pregled i izvršeno je rangiranje prihvatljivih ponuda prema kriterijumu za izbor ponude „najniža cijena“, kako slijedi:

RB	Naziv ponuđača	Cijena iz obrasca ponude bez popusta i bez PDV-a, nakon računске kontrole izražena u KM	Popust izražen u KM	Ponuđena cijena izražena u KM (sa popustom i PDV-om nakon računске kontrole)
1.	„Radius“ d.o.o. Gračanica	250.643,09 KM	0,00 KM	293.252,88 KM
2.	„Hunes“ d.o.o. Žepče	282.992,79 KM	14.149,64 KM	314.546,48 KM
3.	„Škrebo“ d.o.o. Doboj Istok	271.542,97 KM	0,00 KM	317.705,28 KM
4.	„PGM Gradnja“ d.o.o. Kalesija	275.378,88 KM	0,00 KM	322.193,29 KM

Nakon izvršene ocjene ponuda, i slanja Zapisnika i Odluke o izboru najpovoljnijeg ponuđača, izabrani ponuđač, Radius d.o.o. Gračanica, je uredno pozvana na zaključenje ugovora, zakazan za dan 07.10.2024.godine. Nakon zaprimanja poziva, isti je u formi Obavještenja broj: 208/24 od 04.10.2024.godine, obavjestio Ugovorni organ da nije u mogućnosti izvršiti isporuku roba za mini Tender T-14-24, čime je odustao od potpisivanja Ugovora.

Prema navodima ponuđača, razlozi za navedeni postupak su:

- da je isti već ranije zaključio ugovore sa Federalnim ministarstvom raseljenih osoba i izbjeglica za isporuku građevinskog materijala (isporuka roba za jedan lot je toku, za drugi lot isporuka roba ubrzo se očekuje),
- eventualna mogućnost kašnjenja isporuka roba, i plaćanja kaznenih penala,
- problemi pri nabavci roba.

Razmatrajući prispjelu Obavjest broj: 208/24 od 04.10.2024.godine, članovi komisije su jednoglasno donijeli odluku u skladu sa članom 72. stav (3), tačka (c) Zakona o javnim nabavkama („Službeni glasnik BiH“, broj 39/14, 59/22 i 50/24) i dali preporuku da se Ugovor za nabavku roba – građevinski materijal za izgradnju i obnovu stambenih objekata povratnika u gradovima kako slijedi: Zvornik (12 sta. jed.), Bijeljina (10 sta. jed.), (ukupno 22 stambena objekta), dodjeli drugorangiranom ponuđaču, firmi, Hunes d.o.o. Žepče..

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda u skladu sa Zakonom o javnim nabavkama („Službeni glasnik BiH“ broj: 39/14, 59/22 i 50/24) i kriterijima iz Poziva za dostavljanje ponuda.

Uzimajući u obzir naprijed navedeno, primjenom člana 64., stav 1., tačka b) Zakona o javnim nabavkama („Službeni glasnik BiH“ broj: 39/14, 59/22 i 50/24), odlučeno je kao u članu 1. ove Odluke.

#### **POUKA O PRAVNOM LIJEKU:**

U skladu članom 101. stav (3) Zakona o javnim nabavkama („Službeni glasnik BiH“ broj: 39/14, 59/22 i 50/24), protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana nakon što ugovorni organ obavijesti ponuđače da je ugovor na osnovu okvirnog sporazuma zaključen u odnosu na postupak dodjele ugovora u sklopu okvirnog sporazuma. Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa u skladu članom 99. Zakona o javnim nabavkama („Službeni glasnik BiH“ broj: 39/14, 59/22 i 50/24).

**MINISTAR**

Nerin Dizdar

Dostaviti:

- Svim učesnicima u postupku
- Web stranica Ministarstva
- Dokumentacija Komisije
- a/a

